



Oushtaniwan il i pat danwzhee pi shasheepishiwawn Kenadaw

Tawnsheeshi chi-natamoushtawkayhk awn dawnzhee natoutamaw sa nishtawinikawshoowin

Ishpee kaw-natoutamin poor mayipayiwinnakinamawkawwin li zord keema mayipayiwinnakinikawtaywina ouschi kawschitinamouwinn li zord, ihtakwan tawnsheeshi kinishtawinikawshoowin keema ooma pikou awiyek onishtawinikawshoowin chikee natamoushtawkayhk. Ishpee kaw-oushtahk “awn dawnzhee” la laway aplikasyoon, awa en parsonn pakwatem li zord namou chi-weestamiwow ouschi aplikasyoon pi namou akouta ayaw maykwawtpaystamouwinn. Awa li zheus chikee meena il i disidee chi-kipaham paystamouwinn ishi li piblik pi lee nouvel achimoushtakaywina.

Kaw-kee-natoutaen ishi li koor chi-ayahk nishtawayimiwaywin kaw-kishkayistamihiwayhk kiya pi pikou awiyek kaw-kishkayimit chi-outinimawn ouschi li dokumawn poor pikou ishpee, keema kipahikawtaywa poor iyikouhk ouschi mayipayiwinn li zord. Li kor chi-keeshayistem mawhti keeshpim ooma natawayistakwan poor kaw-natamoushtawkayhk kiya keema pikou awiyak kaw-kishkayimit.

Maykwawt ishpee mayipayiwinn li zord, li koor chikee ashtaw kootak paystamouwin poor kinwaysheesh li zord.

Keeshpin tawpway, awa en parsonn chi-weestamiwaw pi akouta chi-ayaw poor aykwawnima. Keeshpin nishtawayimiwaywin kishkayistamihiwaywin kee-natamoushtawkayhk maykwawt mayipayiwinn li zord, ahkamay chi-natamoushtawkayhk ishkouhk kanakay paystamouwin poor kinwaysh li zord kaw-pounistawn.

Keeshspin li koor maychimwachi outinimawn nishtawayimiwaywin kishkayistamihiwaywin, aykwawnima ahkamay outinimawn.

Pikou awiyek chikee natoutem poor kawschitinamouwin ishi outinimawn keema kipahamiwawn kishkayistamihiwaywin, keema maenshkootashtawin tawnsheeshi ooma kishkayistamihiwaywin aykwawnima kaw-natamoushtawkayhk, tapishkoot ishi maenshkootashtawin iyikouhk kinwaysh ooma kishkayistamihiwaywin aykwawnima kaw-natamoushtawkayhk poor. Li koor chikee nawashounem pakitinikawtaynaniwan keema awnwayhtam aen aplikasyon.

Poor ayiwawk weehstamakaywin ouschi awn dawnzhee lee lway pi oohin natamoushtawkayhk, kawschiniki mouhchi outa li koor. Kishkayista ayiwawk ouschi “awn dawnzhee” lee lway pi tawnsheeshi chikee weechistow chi-nakinihk pawshkishikaywina li shikaan:

<https://www.canada.ca/red-flag-laws> (<https://canada.ca/lois-drapeaux-rouges>)

Ooma kishkayistamihiwaywin didawn ooma vif weehstamakaywina aykwawnima pimoustatawn ishi (en Michif).

Ooma noukouhtawin meena ihtakwan daw li computer ishi kootaka li lawngaezh itay <https://www.publicsafety.gc.ca/cnt/rsrscs/pblctns/rd-flg-prtctn/index-en.aspx> (<https://www.securitepublique.gc.ca/cnt/rsrscs/pblctns/rd-flg-prtctn/index-fr.aspx>)

(poostashtaw en mwawn pi en awn) Cat. No. PS4-334/3-2025Crg-PDF

ISBN 978-0-660-98361-5